

Saopćenje za medije

Italijanski doprinos rješavanju mješovitih migracionih tokova u Bosni i Hercegovini i Zapadnom Balkanu

10. novembar 2022.g. Sarajevo, Bosna i Hercegovina – Italijanska nevladina organizacija Istituto Pace Sviluppo Innovazione Acli (IPSIA) i Međunarodna organizacija za migracije (IOM) su u četvrtak, 10. novembra, bili domaćini konferencije „Italijanski doprinos rješavanju mješovitih migracionih tokova u Bosni i Hercegovini i Zapadnom Balkanu“, u saradnji sa Ambasadom Italije u Bosni i Hercegovini i Ministarstvom sigurnosti Bosne i Hercegovine.

Događaj je bio prilika da se sagleda trenutna migracijska situacija u Bosni i Hercegovini i regionu Zapadnog Balkana, brojke, trendovi, rute, izazovi, ali i mogućnosti.

U okviru događaja, IPSIA je zvanično pokrenula projekat „BRAT – Balkanska ruta: Prijem u tranzitu“ (BRAT projekat). Projekat finansira Italijanska agencija za razvojnu saradnju (AICS), a implementira IPSIA, u partnerstvu sa Caritasom Italije, Italijanskim Crvenim križem, te lokalnim partnerima MFS EMMAUS, Caritasom Bosne i Hercegovine i Društvom Crvenog križa/krsta Bosne i Hercegovine.

Projekat ima za cilj da izgradi kapacitete nevladinih i vladinih aktera za implementaciju modela prijema u zajednici, omogućavajući lakše uključivanje migranata u zajednice domaćina. Projekat će također stvoriti mogućnosti za razmjene između migranata i zajednica domaćina, kako bi se razbili stereotipi i promijenio narativ o migracijama.

Konferencija je također bila prilika za pružanje ažuriranih informacija o intervencijama provedenim u okviru IOM-ovog projekta „Jačanje zajednice i migracijski odgovor zasnovan na dokazima u Bosni i Hercegovini i poboljšanje prikupljanja podataka o migrantima na Zapadnom Balkanu“, koji finansira Migracijski fond italijanskog Ministarstva vanjskih poslova i međunarodne saradnje.

IOM je prezentirao podatke prikupljene putem Matrice za praćenje raseljavanja (DTM). DTM je IOM-ova globalna metodologija koja omogućava prikupljanje i analizu podataka o broju neregularnih migranata unutar i izvan službenih prihvatnih centara i širenje informacija o trendovima mobilnosti i potrebama migranata. Kreatori politike, praktičari i akteri na terenu koriste podatke kako bi prilagodili pomoć i intervencije promjenama u migracionim tokovima.

Na kraju, IOM će na konferenciji predstaviti ključne preporuke studije usmjerene na poboljšanje ekološke održivosti privremenih prihvatnih centara u Bosni i Hercegovini.

With the participation of: